



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-412
fax. +387 33 726-414
e – mail: info@voda.ba

Broj: **UP-I/25-1-40-028-2/21**

Datum: **09.02.2021. god**

«Agencija za vodno područje rijeke Save» Sarajevo rješavajući po zahtjevu Investitora „Vjetroelektrane“ d.o.o. Glamoč, za izdavanje prethodne vodne saglasnosti za izgradnju priključnog dalekovoda za VE Dževa na TS Šipovo, na području općine Glamoč, na osnovu člana 139. stav (1) Zakona o vodama («Službene novine Federacije BiH», broj 70/06) i 123. Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev Investitora „Vjetroelektrane“ d.o.o. Glamoč, za izdavanje prethodne vodne saglasnosti za izgradnju priključnog dalekovoda (110kV) za VE Dževa na TS Šipovo, na području općine Glamoč, zbog nepostojanja uslova za vođenje upravnog postupka od strane ove Agencije.
2. Zaključkom je obuhvaćen samo dio trase predmetnog dalekovoda, koji se nalazi na slivnom području rijeke Save, na teritoriji Federacije BiH.
3. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Investitor, „Vjetroelektrane“ d.o.o. Glamoč, svojim zahtjevom, zaprimljenim 25.01.2021. godine, zatražio je izdavanje prethodne vodne saglasnosti za izgradnju priključnog dalekovoda (110kV) za VE Dževa na TS Šipovo, na području općine Glamoč i Šipovo, a u postupku pribavljanja urbanističke saglasnosti.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Idejni projekat dalekovoda D4 - situacije, urađen od strane „Habitat“ d.o.o. Mostar i „ARS Inženjering“ d.o.o. Banja Luka, oktobar 2020. godine;
- Dokaz o uplaćenju administrativnoj taksi u iznosu od 80KM;
- Ovjerena kopija rješenja o izmjenama podataka u sudskom registru broj 068-0-Reg-20-000023 od 09.03.2020. godine, Općinski sud u Livnu i Kopija Ugovora o koncesiji broj: 05-04-2-17-46/13 od 25.09.2013. godine, Ministarstvo gospodarstva Livno, sadržana je u omotu spisa UP-I/25-1-40-026-1/21.

Na osnovu uvida u dostavljenu dokumentaciju utvrđeno je sljedeće:

- Planirani priključni dalekovod (D4) je nadzemnog linijskog tipa, ukupne dužine cca 29207m od čega se na području sliva rijeke Save nalazi u dužini cca 7500m, gledano od VE Dževa prema općini Šipovo;
- Planirani objekat, prema dostavljenoj situaciji, predstavlja priključni vod (110kV) na potezu VE Dževa – TS Šipovo;
- U procesu prenosa električne energije nema produkcije tehnoloških otpadnih voda;
- Uvidom u predmetni dio trase dalekovoda, utvrđeno je da se isti ne ukršta sa vodotocima I kategorije, na teritoriji Federacije BiH.

Ukoliko tokom korištenja predmetnog elektroprenosnog sistema dođe do promjene rješenja koje se odnosi na eventualnu produkciju tehnoloških otpadnih voda i način njihovog ispuštanja, korisnik objekta dužan je da podnese zahtjev za izdavanje vodnih akata nadležnom organu.

U skladu sa navedenim, a prema članu 139. stav (1) Zakona o vodama konstatovano je da ova Agencija po važećim propisima nema uslova za pokretanje upravnog postupka, te je shodno članu 123. Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta
Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović
Haris Ališehović, dipl.inž.građ.

Dostaviti:

- „VJETROELEKTRANE“ d.o.o. Glamoč, Junuza Duruta bb, 80230 Glamoč
- ⊖ AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča